

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTPO 0046571 21

Zenica, 27.11.2024. godine

OPĆINSKOM SUDU U VISOKOM
VISOKO

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

A. DŽ., neosuđivan,

što je,

u periodu od 01.01.2018. do 31.12.2018. godine, u Visokom, kao zastupnik uslužnog društva „A.“ d.o.o. Visoko, u svojstvu osnivača i direktora-osobe ovlaštene za zastupanje po Rješenju o registraciji Općinskog suda u Zenici od 22.07.2009. godine i rješenju o izmjenama podataka Općinskog suda u Zenici od 16.01.2012. godine, s ciljem pribavljanja protivpravne imovinske koristi navedenom privrednom društvu, prilikom podnošenja carinskih prijava i druge dokumentacije u carinskom postupku izbjegavao plaćanje administrativnih taksi u ukupnom iznosu od 23.990,00 KM, tako što je prilikom uplaćivanja takse za jednu deklaraciju, uplatnicu sačinjavao u više primjeraka i po jedan primjerak uplatnice prilagao uz druge deklaracije na koje se uplata ne odnosi, te predočavao carinskom službeniku kao dokaz da je taksa uplaćena i za te druge deklaracije, iako je bio svjestan i znao da za te druge deklaracije taksa nije uplaćena i da na taj način dovodi u zabludu ovlaštena službena lica carinske ispostave Visoko i da ih time navodi da na svoju štetu prihvate kao validne predmetne uplatnice i protivpravno pribavlja korist svom društvu u iznosu neplaćene takse, a što je i htio, a koju taksu je bio obavezan plaćati u smislu člana 2. Zakona o administrativnim taksama („Sl.glasnik BiH“ broj 16/02) kojim je propisano da se administrativne takse plaćaju za spise i radnje u upravnim stvarima kao i za druge predmete i radnje kod institucija Bosne i Hercegovine u visini takse koja je utvrđena taksenom tarifom, a koja je u smislu člana 31. čini sastavni dio istog Zakona, pribavivši na taj način korist firmi „A...“ d.o.o. Visoko u iznosu od 23.990,00 KM, koji je nakon kontrole Uprave za indirektno oporezivanje naknadno u cijelosti uplaćen,

dakle, kao zastupnik pravne osobe s ciljem pribavljanja protivpravne imovinske koristi toj pravnoj osobi doveo druge u zabludu da na štetu svoje imovine nešto učine a čime je pribavio imovinsku korist koja prelazi 10.000,00 KM,

čime je počinio krivično djelo prijevара u privrednom poslovanju iz člana 251. stav 2. u vezi sa stavom 1. KZ F BiH.